

9 August 1899

THE "PENANG SIN POE" 號一十二零千一第 CHINESE DAILY NEWS.

檳城新報

大英一千八百九十九年八月九號

清光緒二十五年己亥七月初四日

印三拜禮牌門號二十三二百二及號十三百二號八十二百二第街在設開館本

Printed and Published by Lim Seng Hooi at the Criterion Press, Nos. 228, 230 & 232, Beach Street, Penang.

論中國宜設立各學會

天下之理一人之聰明不能析也則當合衆人之聰明以窮之天下之事一人之材力不能勝也則當合衆人之材力以肩之天下之重大之舉一人之資本不能任也則當合衆人之資本以成之會之名由斯起焉會也者萃羣策羣力以襄厥事之謂也蓋以萬間廣廈非一木所能支集腋成裘非一狐所能濟西人有見及此故凡事賴衆擊者莫不設會以成之約舉其數博物有會賽珍有會體操有會跳舞有會醫學有會礦學有會化學有會汽學將無不有會而其最注意尤在於士農工商四者蓋以人不學則蔽士無會何以擴聰明民以食爲天農無會何以知地利工執藝事工無會製造何以能精商習買遷商無會利權何以能擅故特設爲士學農學工學商學等會使之窮事物之理識種殖之源探製造之變各就所學以底於成其或力有未逮則國家從而襄助之維持之是以國無游惰之民人有專精之業君民一體休戚相關邇來泰西諸國所以日臻富強者此也中國則不然士安講學農鮮蓋藏工無獨創之奇商乏可操之利高坐堂皇一任四民之失業漠然絕不問嗚呼不學無術國弱民窮關心時局者不免感慨係之矣 皇上慨念時艱力行新政方欲舉從前陋習掃除而更張之祇以任用非人鹵莽圖功禍貽君國遂至一敗而不可收拾又因若輩所創保國會借忠君愛國之名爲植黨營私之計守舊諸黨反得藉爲口實此後凡涉及會字方且諱莫如深端端然無敢復道此非學會之不當行實由不善變法者階之厲也或謂方今匪黨橫行蔓延各省招羣引類擄血拜盟在粵則有三合會江浙則有哥老會以及各省之大刀會燒香會天地會大則貽君國之憂小則爲閭閻之害乃朝廷不加嚴禁反自設立會號壯若輩橫行無忌之胆敢宵小潛謀不軌之心吾聞設法以靖亂未聞立法以召亂者今各會之設是自求禍也如之何其可則應曰否否會則猶是而公私判焉匪黨之會私會也無益於民而有病於國法所難寬者也朝廷所設公會也有益於國利於民事所當者也倘以匪會當禁遂非吾所應設者亦格而不行是因廢廢食矣烏可得乎故爲今之計中國如不欲振興則已中國而欲振興必先立學會以開民智創民會以裕民食設工會商會以早民財其餘醫學礦學化學實學等會皆當次第舉行有利必興無弊不革上下同心聯成一氣自不難振弱扶衰蒸蒸日上理是則各會之設實爲今日之急務而不容或緩者也至於匪黨私會除一切作奸犯科情同悖逆列當嚴行查禁外尙有似是非足以敗閭閻之清操貽一已後累國法之所難禁而爲吾輩當防閑而痛戒者計有兩端曰婦女喜買之花會虛公所創之義會

上諭恭錄 ○六月初三日奉 旨四川保甯府知府著慶連補授浙江嚴州府知府著鄒元吉補授江西建昌府同知著清樸補授江蘇昭文縣知縣著張瀛補授山東昌邑縣知縣著胡師孝補授直隸平鄉縣知縣著朱家寶補授山東日照縣知縣著穆潤補授安徽績上縣知縣著著齡補授湖南桂陽縣知縣著郝恂補授四川璧山縣知縣著黃伯恩補授直隸威縣知縣著程之翰補授陝西平利縣知縣著王宗濬補授山東陽信縣知縣著譚士綬補授山東蒙陰縣知縣著陸駿清補授取舉人裴榮著以知縣用王之襄著以知縣用洪紹朋著以知縣用廬生扎崑珠著以文職用安翰著以七品筆帖式用國子監司業著禮機補授福建道監察御史著聯魁補授刑部郎中劉炬翰國子監監丞黃曾益著儀衛經歷張文瀛兵部司務范慶頤俱照例用保送知府翰林院編修孫白斜著以知府分發省分補用俸滿北城兵馬御史劉指揮吳玉堂著照例升用內閣典籍著宜成補授擬補員子監助教視榘年國子監學錄王儀鄭杭州將軍衙門筆帖式色欽俱准其補授直隸布政司恒裕庫大使增翰著照例用保舉江西候補府楊毓瀛甘肅候補知縣王之琛陳教詩廣西候補

目錄


- 論中國宜設立各學會
- 得子失母
- 再錄理事文言
- 飛星誌異
- 康南海與西士語
- 烟具傷身
- 老臣乞休
- 派捐不易
- 入豬圈師母驚心
- 藥店被搜
- 又變新政
- 崖黎不靖
- 各行
- 輪船行期
- 匯票行情
- 英電
- 車傷童子
- 創學何益
- 西樵匪患
- 保舉將才
- 三都錦鯉
- 臺防消息

售出貨各司公限有弟兄葛綴

KATZ BROTHERS Limited, Penang.


頂上駝駱 柴火標 鷹 酒池連萬力國

駝駱上頂 帶車火毛 兌發



本公司所售駝駱火柴工料精妙 既潔燃一知意後潮濕之無虞故 與衆標相伯仲已蒙 諸君試用 各處流行即本埠社尾協振號 羅申街昌昌號及中各大大商家 均有代售 諸君賜顧者請認明 鷹標頭爲記庶不致誤此佈

大英一千八百九十六年五月十日
光緒二十二年四月十七日
大英一千八百九十六年五月十日
綴葛兄弟公司啓




酒蜜標頭豬雄



啟者本公司自 到頭爾士 頭爾士 招售此酒 認此標頭 不致誤

售發油土標龍

啟者本公司 到龍印土油 來叻 諸君光顧其油 選擇 認此標頭光亮無 便見



此酒之製造 其味之清香 此酒之堅固 此酒之純潔 此酒之滋補 此酒之壯氣 此酒之補血 此酒之養神 此酒之益壽 此酒之延年 此酒之益壽 此酒之延年 此酒之益壽 此酒之延年

MELLIN'S FOOD.

此粉之製法 務專培養嬰兒及人 體之健全 凡欲使嬰兒身體健全 必使嬰兒食此粉 此粉之氣味 亦極其香甜 且其性質 極其純潔 凡欲使嬰兒身體健全 必使嬰兒食此粉 此粉之氣味 亦極其香甜 且其性質 極其純潔

補知縣于形黑龍江倉屯站官尙福同祺明春俱照例用俸滿福建漳浦縣知縣何鼎着回任卓異俸滿江蘇豐城縣知縣湯煥着回任准其卓異加一級仍
註冊候陞病痊前湖北宜昌府知府存厚着照例州投効軍前江西候補知縣王書臣着其留於直隸差委擬補吏部驗封司主事郭萬俊着准其補授欽此同
日軍機大臣面奉 諭旨本日引見之山西永濟縣知縣胡廷着於初四日江西東鄉縣知縣成揚着於初五日即選道李徵庸着於初六日直隸候補道繆華着
於初七日直隸候補道李蔭培着於初八日河南鎮平縣知縣徐壽着於初九日預備召見欽此初五日奉 上諭本日召見之在任候選府山西永濟縣知縣胡廷
着開缺以知府仍發山西補用並交軍機處存記欽此

英電照譯 ○英之捫士打票施哩營向紫花滿地方近得英廷電信謂往南非洲極古勞爾云云○又云印度糖稅法國現經允許英政府之意法糖
入印度者明年一年之內任英廷照新章抽其入口稅項於是英之外務司耶魯得力在下議院宣言曰法現雖許抽一年糖稅然度其情形日後兩國商辦之
件法人斷不致深為抗拒也○又云英理藩院外務大臣唐登致書於南非洲極古勞爾云侯的蘭什日妥商舉議員之事然後再行知會於衆互商他事
云云○又云法武員力爾法示之案經已開訊百姓往聽訊者甚夥安靜是日祇聞其一人之供並無訊及別案而時已晚矣惟原古被告兩黨見力爾法示之
際亦各拍掌歡迎云○法廷派審此案之欽使有言將來訊問力爾法示私函之時須在內室不欲外人得觀云云

吡叻劫案 ○昨大吡叻訪事友來信云六月廿二晚七時有華人五六名携持槍械勢甚兇猛徑到峇抵牙惹地稅司署之書記華人温天賜家行
劫適温外出拾去温妻金手釧一對金簪二枚當時雖經大聲喊救相去六十尺遠亦有人居無如者畏賊兇鋒莫敢一問若秦人之視越瘠任賊黨盡飽其欲
始追逃而去温歸始報案請緝然至今尚未破獲云賊匪之猖狂如此誠地方上之憂也

錫務日紀 ○茲將各埠入口錫錄列于左 初一日由勝律入口者計一百零六條由吉聖入口者共一千二百一十一條又錫米一百九十八包初
二日由勝律入口者計二百零四條初三日由吡叻入口者共八百三十一條統計三日入口錫共二千二百六十二條

得子失母 ○聞有與呂教民杉棉加者住本坡距四英里之丹荖路頭其妻名夷地懷孕滿足於去月廿六早覺腹痛急乃歸坐草無奈婦素虛弱轉
因用力太過致瓜未落而氣已絕其夫灌救不來返魂無術遂循其俗例以蕉葉裹尸置竹棚內欲僱人荷出忽聞棚內呱呱兒啼人驚急散棚視之則男也以
爲婦亦回陽即爲延醫多方施救無如絲難續命而一縷香魂竟歸無可奈何之天矣捱延至夜其夫猶不忍葬後爲親友勸始埋之視其子則神氣煥發乃以
牛奶爲哺出世無母亦可憫也雖然亦幸在彼教不用棺木以蕉葉裹葬者不然呱呱之兒亦同歸於盡矣

烟具傷身 ○鴉片爲害人盡知之而其器具之命名曰烟鎗如發鎗自轟已不詳莫甚况烟簽一物即粵所謂烟托日夜從火中煨煉久受少毒奈何
人每好與相親偶一不慎爲其所損未有不毒發潰爛少時曾見有傷手傷臂者詎今又有某潮人雖幸不致命想亦殆矣潮人亞球不知住居何處去月廿八
晚獨行踽踽步入番田仔某烟館學餐霞客手持托簽自燒自吃不意於出神入化似醉欲眠之時手中托簽遺落席上適爲物時自昂其鋒某一轉側大叫一
聲昏然欲絕衆烟客以其聲慘急相起視見某已不能言背脊旁爲烟簽刺入約近寸許急爲拔出血溢床席館主亦聞聲來視大驚施救移時始甦呻吟不絕
傷處墳起如巨卵館主恐其牽累急代覓車令其自返其後不知如何觀其形狀亦云慘矣

藥店被搜 ○月之初一早九點時有積產閩婦某氏請要交暗牌差房差總夏越據票率差徑往番田仔門牌一百九十五號崗人某甲之藥店通行
查搜旋將該店東之姪某乙拘去其因何緣故外間不得而知須俟堂訊方能確悉也

車傷童子 ○昨初一早晨炊之候本坡中街有一客籍童年屆舞勺手挈竹筐徘徊歧路若有所候忽有二千三百八十號手車從本頭公巷橫衝而
出勢如癩馬奔爾逼及童子甫欲拔足奔避已爲車碾倒輪從足腕碾過血即湧出但見該童一聲大呼不能復語幸遇六十四號印度差偵巡到此立即趕前
截獲車夫勒令原車載童子回捕房給字送往醫院調治然後將車夫解案聞該童雖不至性命之虞然年幼骨脆不免損筋動骨矣

三都錦鯉 ○本館訪事友自澄海三都來云該處海滄墟有李某某者性頗豪直好客稍知書史前業買於小呂宋近以避亂收盤歸家積豐履厚而
團團成富家翁景狀然李好動雖居家亦常自出市購物前五月某日方自持烟管在墟市某相識店獨立看衆市情忽見有操外處口音者二、狀若主僕仿
徨無主累累然若喪家狗面一菜色見李徘徊不前李即招手使近而詢之曰余陳子常某案秀才欲就某專館選盜故蕭條至此不飯已三餐矣又羞於乞方
在前有人指我求李某當可爲窮途將伯不識君果其人否耶余家雖不富然必有以報大德也李笑曰然無傷因携之歸令家人治具款客時將黃昏因謂客
曰草舍狹隘恐難下榻僕有新屋一所爲去年余歸時所建願奈任者恒見怪故空閉之若先生不懼請屈駕一宵來日送君行可乎陳方在難中尙何所畏不
待其辭畢已先答謝李遂使人畧洒掃設榻其中陳雖就萬心猶惴惴焉不敢寐其夜月色如畫階前風動樹搖虫鳴四壁顯其僕已鼾聲如雷更覺毛骨俱
悚時至三鼓合眼欲睡突爾陰風掠面燭暗復燃驟見楊柳前流波送盼有美一人含笑語陳大驚呼其僕亦醒同聲大喝美婦似着驚嚇倒坐於破椅上僕

售出酒蜜標頭狗



HUTTENBACH BROS. & CO.

啓者本號由歐洲自辦上等狗頭標鳥白蜜來棧
補血氣壯筋骨茲將標頭
印出倘蒙 諸商翁賜顧
請細認此標爲記庶不致
誤謹此佈 聞
八〇八
韓典目兄弟公司白

白告安保

TRANS-ATLANTIC FIRE INSURANCE
COMPANY, LIMITED.
SCHIEMANN HEER & CO., AGENTS

啓者敝號代理德國保安公
司資本德銀六百萬目專保
屋宇家私棧房貨物無火燭
之虞倘有失慎賠償快捷
諸尊光顧請移玉到土庫街
第十三號門牌集安號樓上
面商價甚相宜此佈
八〇八
代理人智挽薩也公司白

檳榔嶼

PENANG SALES ROOM.

啓者本號代賣檳榔各
貨所費甚廉 諸君如
有貨物要售請到土庫
街萬裕興號對面第五
十二號門牌相商特此
佈 聞
八〇八
本館主人
許永興啓

白告險保

NORTHERN ASSURANCE
HERM. JEBSEN & Co., AGENTS.

啓者本公司代理
險公司資本銀三百萬金
磅專保屋宇棧房貨物家
私等件無火燭之虞倘遇
不測賠償迅速 諸君賜
顧請至土庫街三拾五號
門牌本號面議保費極廉
特此佈聞
八〇八
代理人叶晒公司謹啓

售發藥疫

金獅牌藥房有新到防瘟辟疫藥水由英祖家著名醫師考驗此藥水真
正妙品能防瘟疫杜絕氣症實有再造不世之功本藥房日擊時艱心存
惻憫故備此藥水以治污穢之氣然氣既清自無疫癘爲患茲將藥水用
法聲明以藥水一份透清水一百份於屋內遍灑凡有厠池汚穢并水溝
之處每日均灑一次免受汚氣蒸熏則疫患可除矣第此藥水並無絲毫
毒氣盡可放心取用如有人能識英文字者請至 土庫街豐美號隔隣
門首懸有金獅牌氏脫藥房內觀閱英國祖家諸名醫師考驗較誠證
此藥水功能清淨汚穢之氣便能詳悉倘若不曉英文字至本土庫內
亦能明晰詳告諸君光顧早臨是幸謹將藥水價數列明
萬年池罐每打銀五角 鐵桶貯有二牙蘭每桶四元
大英一千八百九十九年六月六號 金獅牌藥房謹啓

白告館賣

啓者本館有承領禮伸專理拍
賣諸事兼代理買賣屋宇并能按
價凡有貨物欲行拍賣或買或賣
本館却能代理所有事項二日內
便能交楚倘蒙諸商翁 賜顧者
請到港仔口街五十六號門牌便
是特此佈
光緒己亥年三月廿二日
英一千八百九十九年五月一號
本館主人謝德泰 拍賣及
理事人勿德謹啓

兌發酒杞實委而美荷



SANDILANDS, BUTTERY & CO.

啓者本公司由歐洲辦到
頂上委實杞酒久已遠近
馳名 諸君凡經採沽者
莫不交口稱揚其善蓋此
酒係選擇精料名手製成
氣味甘美清香大異常尋
飲之不徒消渴生津潤顏
楊氣且能調陰陽補元氣
除百病祛諸邪經驗多年
並非虛語倘蒙 諸商惠
顧請到土庫街門牌第二
拾七號本公司面商此佈
八〇八
仙得登岩得里公司謹啓

白告司公限有安保元乾

THE PENANG KHEAN GUAN
INSURANCE COMPANY, (LIMITED).

啓者本公司開在檳城土庫街門牌第二拾四號
於西一千八百八拾五年七月拾號紀錄存案遵
照一千八百八拾六年 國家所定保安章程辦
理專保輪船來往各貨物保費甚相宜倘蒙諸
商翁惠顧請移玉到本公司面商可也謹此佈聞
茲將本公司第十四屆所舉總理協理各
員芳名臚列於左
協理 林錦祥翁 林山河翁 林調性翁
邱衡赤翁 許如琢翁 楊維岳翁 林錦傳翁
林長輝翁 蔡有格翁 陳謙温翁 林文穎翁
林鑑堂翁 陳錦慶翁 楊玉吉翁 謝有義翁
總理謝德泰翁 管銀吳寬量翁
查賬康亦山翁 律師魯眼及律示
八〇十四 乾元公司謹白

白告館賣

HOOT-TEH KONG-SEE.
SALT FOR SALE.

啓者本公司自辦亞安南及包庄吉
寧等處烏白食鹽俱選精潔貴賤依時
有無明告不敢隱混應鼎以圖射利致
貽魚目混珠之誦特設鹽棧在井水港
橋邊以便駁船牛車上落所費甚廉
諸君賜顧請到中街福南號 緞羅申
街承珍南號 萬通號 港仔口街順
泰號 打鐵街聯利號 社尾街珍祥
號 珍記棧 過港仔街順昌號 開
恒美相商或外埠要採買可以賜函均
能代寄無差決不食言此佈
大清光緒戊戌年瓜秋初一日
萃陶公司謹白

所知者以對其一則金門協鎮謝遇奇一則中軍朱必成此二員才識穎異均為軍門所賞鑒故特登之薦膺云

康南海與西士語 ○西七月八號香港士報錄訪事人來言云中國變政黨首領康有為幾致中國於變法自強之道此人所共知也不幸宮闈起禍萬死一生始居香港繼至日本今乃至於倫敦求 皇上之復權伸變法之素志吾今試將其事筆之當亦人所樂觀也康嘗詢吾以中國政變之際其人之心事如何吾答去英民亦止知中國之外事若其中曲折則尚鮮知者康乃問議院之人果知 皇上被廢而西后攬權乎其時胆氣愈壯乃問英人果知中國皇上有意聯英而拒俄否吾亦問之曰聞中國欲遷都盛京其事信乎他若於此事無所聞者惟其意蓋以為西后因北京為各國所迫乃欲遷避於此也他云此事若行則中國不啻俄之藩屬英人於中國政變之際不能竭力扶助 皇上將來禍變日深恐印度必不能無事言至此與吾意甚合乃按下文復與談論中國政變之事康曰中國之人分為三黨其一與英法德俄美各國通商者其二則老耄而守舊者也其三則少年而維新者也維新黨凡舊法如學校兵位一類皆欲一律改革然有一事不可不知者中國 皇上向來無權前數年西后偽為歸政於 皇上然大權皆在後手 皇上不過過祭則寡人故每事皆多齟齬今則廢益如傀儡凡外間之事一概不知即 上諭所傳亦不知其何事也今日中國已絕維新之望維新黨人或被殺或被逐凡在朝者皆顧惜身命莫敢發言而吾尤怪卑利士佛侯既倡四國同盟之論而其事卒不成夫欲助 皇上復位者止斷然照會總理衙門可矣吾因問若此辦法於 皇上生命果有碍否康曰西后年六十七矣亦不欲置 皇上於死地但其人貪權勢嗜逸樂平日止在頤和園優遊而不恤政事是以至於此極今亦不敢舉動恐人行刺宮 所傳多有謂西后於此事十分憂慮且至泣下者蓋廢立之舉皆榮祿主之故榮祿之罪浮於西后然榮祿之權亦大於西后當未政變之日榮祿使其私人為言變法然彼非有變法之意也榮祿未識外國之人凡外國學問政治理想無一知之焉能變法哉八月之變榮祿實為罪魁彼不敢遽下毒手於 皇上者誠恐義民之四起耳然又不敢奉 皇上復位恐於已不便故 皇上非得外國贊助將不得復政若英國助之則亦英之利也蓋 皇上復政中國之維新有斷然者吾問中國今日之情景於變法之事果如何彼答云今日雖有阻力然將來必變吾問今日西后榮祿之權如是其重果何法以變之康曰此所以當藉外國之助也中國有十三會黨分居十三省之地始皆雲湧沸沸至政變乃遭禁制然雖禁制其後終必發越如花蕊之開放耳前香港有二華人士書卑利士佛侯曰中國不能變法必將各官重其俸祿始能變之若今日之官則止以貪詐為事耳康有為前在總署亦言中國變法當先變律例且變從前壓制之政則其餘各事自然就緒若意則以為宜先變錢糧之事但康意不以為然吾與康談點餘鐘乃起告辭瀕行時康又言他熱心望英國助 皇上復位則萬事皆有轉機且英國亦可獨力為之云云康生於中國于中國之學盡通而知識闊達與歐人無異即歐人亦多不及之者其同行之舌人保華人而生於助者操英語其熟使其換穿英服殆不辨其為華人也

入豬圈師母驚心 ○茸城某甲名諸生也在滬南坐擁阜比數十年矣續娶某氏田家女也犁雨鋤雲外幾於一物不知甲甚厭之而無可如何前日其得意學生某氏子年纔志學一試童子軍即高擢芳香捷報傳來甲不禁狂喜謂此兒的是不凡明歲一舉成名老子即可入硃卷矣妻聞言惶惶曰聞生高發汝何為入豬圈耶豬圈何地而可以入耶蓋以硃卷豬圈同音而誤也甲乃告以硃卷命名取義並非剛鬣公棲遲之處妻始恍然

焚帛限期 ○啓者本埠七月焚帛之事蒙 謝君有義面求巡捕官准予西歷八月六號九號一號十八號十九號二十號廿一號廿二號廿三號廿四號廿七號廿八號九月一號四號即華七月初一初四初七初十初十三初十六初十九廿二廿三廿四等日每日自午後一點鐘起至夜一點鐘止各舖戶均可在街上焚帛送衣倘有阻止等事可到中街義泰內說明便能安頓妥善此佈
光緒廿五年六月廿九日 廣福總理等公啓

辟疫潔淨藥水招售 ○敬啟者現因核症流行凡各舖戶宜用辟疫潔淨藥水沾濕屋內以便保護居人不虞茲本藥房製便上辟疫潔淨藥水待沽每罐價銀五角 諸君光顧者請到土庫街四號門牌本藥房採買便是此佈 英一千八百九十九年五月廿一號 元禮顯大藥房有限公司謹啓

新到狗標頂上洗淨污穢消除疫氣藥水 ○啓者本號有代理英京里公司製造頂上狗標洗淨污穢消除疫氣藥水曾經上等醫生義里比君驗過云此藥水製造得法大有裨益於人凡住屋病所大小水溝廁所以及馬房雞鴨狗寮與夫有污穢之所若將此藥水沾潤可以立除其氣即遇有瘟疫症以此藥水遍灑可免傳染之患久經試驗應效不差且復價廉誠為便用 諸君賜顧者祈移玉到義興街門牌二十八號內採買便是此佈
光緒己亥年四月廿四日 吳德志啓

代理宜安保險洋面告白 ○啓者本號代理香港宜安保險有限公司專保洋面論船往來貨物保費相宜至遇賠償等事俱宜妥速辦理準於二月四日起保諸翁 光顧請移 玉到土庫街門牌四十八號啟發號賜教是荷謹此佈 光緒己亥年四月廿三日 宜安保險有限公司謹啓

開門走出陳亦隨出扣李之門言其故李亦驚訝待曉李始敢率眾到視猶見一婦人屍作時世妝坐椅上無人敢近李亦無主姑掩其關欲議定然後稟官及午後視則闕其無一人一空室而已李慮有別情留居數日伺之由此恠絕因以百金送陳歸噫此如武三思 花月妖耶虛侍御之柳魅耶異矣
再錄理事文 ○欽加三品銜 賞戴花翎刑部正郎奏派駐紮小呂宋總理事務陳為出示曉諭事照得本總理事務查華民來茲謀生始有明季而迄於今大抵久客忘歸娶土民女為婦所生子孫斷髮入洋籍者十居八九其祖父財產多為所有咸忘其所來竊思爾等原皆 中國子民先人墾草創在中國何忍一日棄之如遺本總理事務亦知爾等所以多令子孫改裝入籍之苦衷因此處前歸日斯巴尼亞管轄時 國家尚未來此設官爾等改裝入籍難堪或因擁賞而歸官紳吏役親戚故舊援海禁舊習皆欲魚肉而甘心焉不得已而為此不肖之為現 朝廷已派設理事保護矣此處盡歸美國管轄大苛政亦已去矣 國家海禁已開數年且督撫大憲屢議設保商局專為保護爾等官紳吏役親戚故舊無敢仍舊詐索爾等財帛似宜各思返 國現查中美條約有不准華人入美國籍之禁雖華人在此所生子孫亦盡屬中國人爾等何苦故犯禁章強寄人離下本總理事務將此事稟請總理各事衙門王大臣及出使美日秘國大臣伍力商美廷照約不准華人入籍即華人在此所生子孫莫非華人並請一體嚴禁倘有一二不知自愛違約改裝入籍者背棄其祖父也既背棄其祖父則皆不准分其祖父遺產財產為此出示曉諭合埠華民人等知悉自示之後其各互勸勉毋蹈前愆免將來上憲與美廷議准之時有損無益知悔已遲而謂本總理事務言之不預也特示

老臣乞休 ○孫中堂近來半身作痛政躬未豫且因時事孔艱恐不能維持朝事大有上疏乞休之意現聞京中有人奏奏以退歸之心益 傳聞是尚非局外人所得而深悉也
又變新政 ○永定門修路至總署已紀前報近日此路已陸續修至天橋北茲經看道委員將前門大街魚肆什市移至城根以便行走而資工作但一時京中謠言紛紛謂去秋變法之時會飭工修整大街今又如此辦理非變新政而何眾口一詞不禁令人啞然失笑也
創學何益 ○江南高等學堂自四月初一日開學以來各學生多以總辦好為大言令人難堪且所訂規條課程諸多寬嚴失當之處於是不願嚮學者已覺實繁有徒嗣又因某學生向洋教習請業請益致被總辦革逐通學堂學生咸抱不平其在籍隸江甯府屬之學生八名請假于堂者蓋如鼓鳴魯薛半去半留而外府學生則不別而行者以數十計其餘在堂未去雖不乏人然亦多去此適彼之心絕少教學相長之益夫學堂之設原以培育真才竊願主持其事毋徒負創辦學堂之虛名也可

臺防消息 ○臺州四五月來因海防緊急故前後調到甯波杭州温州勇二千餘名連臺州內地防營勇通計約五千餘人前皆屯海門健跳二處今以北岸土匪猖獗特撥五旗分駐上盤小芝杜下橋等處計海門尚駐兵勇二營三旗健跳駐一千餘人惟南岸各處並無防營駐紮
飛星誌異 ○宜昌友人手舉云上月廿五日晚八句鐘時忽見飛星一個大如銀盆後隨二星亦倍於尋常相隔五六尺不啻串珠其色純白計長數十丈形如匹練緩緩自西而至東南所經之處餘光一線約兩三時始漸漸不見云

派捐不易 ○揚州江甘團練各業派捐情形已紀前報茲悉所派之數除數千文者均已如數照認外其自十千以至百千之捐一時尚難定議故日來如柴米肉業均聚眾會議紛紛擾擾莫衷一是至若錢業所派之數雖祇六十千文已于去月初六日大開會館力求減折殊不知此項團練專為保衛閭閻起見矧錢業為各項生理總匯而竟各此區區何哉

崖黎不靖 ○瓊州府孤懸海外中多峻嶺為黎民所萃居黎有生熟之分熟黎居近外山與漢人狎習已沾教化頗識禮義貿易耕種夥合漢人生黎則身居山內行同化外蠻悍成性間或出山則剽掠漢人滋擾地方前當張香濤尚書總督嶺表時黎匪曾出擾亂香帥命將率師搗穴擒渠黎民始畏威懾服香帥復委幹員指示機宜開通山路擇要紮營以弭後患老成碩畫誠足久享昇平惟香帥移節兩湖迭任大府均因節餉裁撤營勇防務遂弛近聞近日有等會匪游勇深入各山煽惑生黎蠢然思動已出崖州屬境擾掠鄉村墟落州尊李刺史自願兵力單薄難期得力馳稟鎮道現經道憲周曉丹觀察派員管帶勇丁二營馳詣該州會同刺史相機剿辦矣

西樵匪患 ○廣州訪事友人云西樵巨匪區辛傳開等橫行不法擾害閭閻經督憲譚文帥訪聞札飭關都戎貴昌督率勇丁前往剿辦及船抵碼頭令什長某登岸相安營之地匪人出其不意率同醜類將其劫回放槍擊斃適南海縣主楊大令帶領勇役多名風馳而至都戎得此臂助竭力進攻匪知勢不能支紛紛鼠竄大令與都戎協同紳士四處搜捕得獲積匪關晉徐懷區仇區全等四名帶回縣署訊辦刻尚嚴緝餘黨務在必獲想釜底游魂不久終歸殄滅也

保舉將才 ○廈門訪事人來信云駐廈水師提督楊西園軍門訓練士卒頗極認真此次因閩浙總督許制臺令舉將才以便奏請錄用楊軍門即舉

也